

**Dissertatio inauguralis medica de podagra eiusque curatione magnetica ...
/ [Johann Christian Esau].**

Contributors

Esau, Johann Christian, 1680-
Slevogt, Johann Adrian, 1653-1726.
Universität Jena.

Publication/Creation

[Jenae] : [Literis Mullerianis], [1718]

Persistent URL

<https://wellcomecollection.org/works/cf473m9m>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

Q. D. B. P.

DECANI MEDICÆ FACULTATIS

JO. HADRIANI SLEVOGTI

M. D. ET PP. ITEMQVE MED. PROVINC.

PROLVSIO SOLENNIS INVITA-
TIONIS

AD

DISSERTATIONEM INAUGVRALEM

DE

PODAGRA EJUSQVE CU

RATIONE MAGNETICA

EXHIBENS

ὑπολείμματα quædam παραλείπομενα
THEMA DIATRIBES ATTINENTIA.

JENÆ LITERIS MVLLERIANIS.



DECANVS MEDICÆ FACVLTATIS BENEVOLO LECTORI

S. P. D.

DUM in eo sum, ut publicæ invitationi ad inaugu-
ralem clarissimi summorum in Medicina honorum
Candidati

JOANNIS CHRISTIANI ESAV

Mengeringshusani Waldecci,

differtationem, prolusionem, ceu introitum ad eam, inve-
niam, en ipsum thema ventilandum copiosas materias sup-
peditat, quibus multas paginas implere possem, nisi legenti-
bus grata, istiusmodi præfationum brevitatis, prolixitatem pro-
hiberet.

Levi itaque tantum brachio paucas particulas conqueram,
præcautionem affectus ejusque *curationem*, (genuinas istas &
potiores Medici occupationes) spectantes atque amplifican-
tes, & ceu *reliquias*, ab Autore diatribes quasi *prætermittas*,
exemplis illustrare conabor, causarum interim atque signo-
rum doctrinam, per incuriam Physicorum ad Medicos de-
volutam, lubens præteriturus.

Cum § 11 & 31 Differtationis, inter media, invasionem
dolorum *avertentia* motus pedum commendetur, fidem
dictis per observationem 46, Cent. 3, Salmuthi, quam *Podagra*

gre *precautio* inscripsit, conciliabo, ubi alienum atque proprium experimentum verbis sequentibus exponit; *Joannes Jeniscbius* *asserebat*, jam diu se ex *podagra* laborasse, nisi, *baculo innixus*, *summo conatu incedendo*, *praeludia illius avertisset*, vel potius *consumsisset*. Quod & de meipso. *Firmare possum*. Alius enim in lecto certe decubisset; ego vero, in *despectum doloris*, *circumcursum*, & motu illo *materiam evaporare potius feci*, quam *sedem ibi figere permisi*. Addo: *Juvat*, sed non *semper*.

Alterum *ὀπώλειμμα* concernit non minus *τὴν προφυλακὴν*, quam *θεραπεύαν*, estque remedium, quod *Franciscus Alexander, Vercellensis*, in *Phœbo medicorum*, *singularissimum*, *neminem fallens presidium*, *cœlitusque & altis de mentibus delapsam*, *podagricos*, cum *callosis articulorum contractionibus*, *sanandi rationem* vocat. Fluit istud ex *sola victus plenè & opipari*, in *tenuem & simplicem* mutatione: cujus manifestum effectum duo clarissimi viri, § 34 & 45, exhibent: quorum unus *Rogatianus*, *Senator Romanus & designatus Prætor*, a *Porphyrio*, in *vita Plotini*, citatur: alter autem *Franciscus Pechius*, *Ducis Vercellensium magnificus Consiliarius* ab *Alexandro* salutatur. Hi admodum *podagrosi*, quamvis pares in recuperanda sanitate fuerint, prorsus discrepantem tamen ad istam felicitatem perveniendi occasionem habuerunt.

Rogatianus enim, cum *sedulus Plotini*, *Platonice sectæ Philosophi*, auditor esset, *animum*, verbis *Alexandri*, usque adeo ab hac vita segregavit, ut non solum, rei familiaris curam negligens, servos omnes expelleret, oblatamque prætoriam dignitatem recusaret, sed rigido quoque diætæ regimine instituto, & abrogata ferculorum multitudine, cibum indies tantum unicum assumeret. Qua continentia in victu, cum morum temperantia combinata, id assecutus est, ut, cum antea neque progredi, nisi *sella vectus*, neque manum extendere va-

leret, hisce artubus postmodum expedite ueretur, egregiumque speciem salubriter *ἑαυτὸν τιμωρμένον*, sibi ipse auxiliantis, sileret.

Per longe aliam, & a Rogatiana distinctissimam medendi methodum Pechius, præter suam voluntatem quidem, attamen plene sanatus est. Cum enim, jam quinquagenarius, diuturnisque pedum doloribus oppressus, ex itinere, Ducalium negotiorum causa instituto, a quodam Marchione, hoste suo, in castellum, Versellis vicinum, abductus, in ergastulo, per viginti annos, tenui victu uti cogeretur; intra istud tempus adeo bene convaluit, ut per Gallos, arcem armata manu occupantibus, ex carcere dimissus, simulque dolentissima quondam *τῶν ποδῶν ἀγρία*, pedum captura solutus, Versellas, primariam Libicorum urbem, sine baculo ingredi valeret.

Simili fere ratione refert Schenckius, lib. 5 observ. p. 682 ex Wirfungo, civem Landsbergensem opulentum, aliud agentem, sanum evasisse. Cum enim ex podagra, per intemperantiam contracta, pedum impotens, fervorum humeris fulciri deberet, tandem, per continuatum luxum & otium, ad extremam paupertatem, & frugalem victum redactus, pristinum crurum robur recepit, ut cum corbe dorsuali, mercibus vendendis onusto, trans altissimos montes, nullo amplius morbo impeditus, discurreret.

Quæ § 45, non solum contra vini abusum, ex Avicenna, sed ejus *usum* quoque omnem, ex Rhase leguntur, confirmat, præter alios, etiam Trincavellus, cujus verba Jo. Rud. Camerarius, in Syll. mem. Cent. 8, partic. 54 transtulit: *Novi Medicum senem Venetiis, qui cum non parum infestaretur podagra, ad senium saltem primum, ac per quinquennium ipse sibi vinum interdixisset, liber ab istiusmodi molestia ita evasit, ut amplius, ad ultimam senectutem, imò ad mortem, suorum dolorum expers fuerit.*

Vix minor de cerevisia, in *ποδαγρία* gratiam, sententia ferri

ferri potest. Est enim ille liquor, in continua fermentatione constitutus, ut, largius potus, temulentiam inferat, igni traditus, spiritum inflammabilem eructet, sibi que relictus, in acerrimum acetum abeat; ideoque, in dispositis subiectis, molesto ventriculi ardori, hinc calculo & podagræ materiam, præbeat. Ut proinde tutiori via incedant, qui, dolores metuentes, vel cum Dolæo vaccinum & caprillum lac, (cui Itali & Galli Asininum præferunt) vel ejus serum bibunt, vel, si hoc ventriculus hypochondriacorum & scorbuticorum tolerare detrectat, *simplicem*, eamque puram, *aquam*, utpote a sapientissimo universi Conditore, nostræque incolumitatis amantissimo Curatore, omnibus animantibus destinatum potum, reliquis, vel cito & aperte, vel tarde & clanculum nocentibus anteponunt. De aqua audiant podagrosi Jo. Bruyerinum, lib. 16, de re cibaria, c. 13, ita loquentem: *Annotatum est eos, qui, inter initia podagræ dolorisque articulorum, vini potum subtrahunt, & ad aquam confugiunt, magnificum sentire præsidium, ac pene DIVINUM: fere compertum est, aquæ potatores raro aut nunquam podagricos aut cibragricos effici, &c.* quibus addo: nisi ex *hereditatis* aut *reliquæ diætæ vitio* tales evaserint.

Quando podagram curaturis, § 43, repellentibus pharmacis, ob periculosam interceptionem, aut *περάσασιν* materiæ peccantis interdicitur, nemo Medicastrosum, imitationem naturæ moliminum prætendendo, suæ audaciæ reatum, excusare debet; quasi sperandum sit, continentem morbi causam, ad pedes commeantem, & per repellentia ad pectus retrusam, eadem successus bonitate per tussim exituram esse, qua Gabelchoverum, apud Schenckium, I. c. p. 681, observasse legitur, *consiliarium Principis, podagra vehementer afflictum, decumbente ad pulmones humore, & tussim, cum rejectione copiosa excitante, plane podagra immunem per plures annos permansisse.* Quippe mille casus de sinistris turbata

naturæ effectibus testantur, quibus unum tantum juvenem, nuper openi meam implorantem, addam. Hic, postquam intra octennium varias regiones peragrando, etiam per plusculos menses in Austria & Hungaria, foecundis illis podagræ genitricibus, substiterat, &, ante unum atque dimidium annum, domum redux factus, assidue chirothecas suendo, omnem corpori motum denegaverat, acerbis pedum doloribus, absque notabili tumore corripiebatur, quorum mitigationem, cum per cataplasma, ex albumine ovi, alumine, farina fabarum & camphora, specioso *infallibilis paregorici* titulo commendatum, acquirere speraret, non solum hos, post aliquot horarum lapsum, atrocius in pedes reverti, sed trans femora, & ultra regionem ossis sacri, cum anxietate, & respiratione difficili assurgere sentiebat, ut extrema instare, æger & adstantes crederent; quem tamen Dei gratia, per nervina & diaphoretica, servabat.

Possent hæc, prolusionis loco afferenda, sufficere, nisi inscriptio dissertationis, *magnetici* quid promittens, & clariss. Autoris singularis in talismodi auxilia propensio, adhuc notabile *ὀρόλαμμα*, ceu symbolam aliquam, a me exigeret. Aperiam igitur candide arcanum, podagram, per transplantationem, & magneticam, *mumialemque* (ut monstrose loqui amant) quandam morbi ex homine in arborem tractionem, funditus tollendi rationem, ab Illustri Persona, (non sine meo in sinu risu) in aurem communicatam. Instante novilunio, (*wann noch kein Mond am Himmel ist*) extrahitur ex brachiis, pedibus, & *membro genitali*, (forsan in poenam lasciviæ) scarificatis sanguis, & cum urina mixtus, affunditur radici salicis, cujus superstes viriditas certissimam sanitatis spem promittit, superveniens marcor autem incurabile malum minatur.

Nunc ad *ἔσχατον* deveniam. Natus est clarissimus Candidatus Mengerinhusii, in Waldeccia, A. O. R. M DCLXXX, mense

mense Junio. Pater fuit vir integerrimus, Bartholom. Esau,
 Aurifaber & peritiss. sigillorum sculptor, nec non reddituum Se-
 natus Curator. Mater pia & honesta Fœmina, Cath. Elisabetha, ex
 Felgenhauerorum stirpe orta. Fundamenta pietatis & lite-
 rarum habuit a B. Stutenio, tum Conrectore, post Rectore
 scholæ patriæ, & Diacono Ecclesiæ vigilantissimo. Donec adul-
 tior factus, a Corbachensis Gymnasii clarissimis moderato-
 ribus, Dn. Francisco Scipione, Rectore, nunc ecclesiæ ibidem
 Pastore, ac Dn. Josia Strubenio, Conrectore, jam Enſæ Pastore,
 ad cultum humaniorum studiorum & Eloquentiæ, ipsiusque
 Philosophiæ ac Theologiæ principia manuduceretur, ut tandem
 in Gymnasio Mindensi, ad Wisurgim, per dexterrimam infor-
 mationem præclarissimi Rectoris, M. Christiani Grübels,
 Adjuncti quondam ampliss. Facultatis Philosoph. hujus Acad.
 & Dn. Henrici Hartogs, meritissimi Conrectoris, Academicis
 acroasibus aptus redderetur. Quibus Rintelæ, in auditoriis
 philosophicis non minus quam theologicis, summe reveren-
 dorum Doctorum atque P. P. Dn. Kahleri & Dn. Kiskeri,
 Superintend. generalis, eo cum successu interfuit, ut, sub
 hujus præsidio, disputationem de *Morte & sepultura Chri-
 sti*, publice & cum applausu defendere auderet. An.
 MDCIC adiit Salanam nostram, & a B. Velthemio, Pro-Re-
 ctore Magnifico, in civium numerum receptus, hujus non
 solum & B. Bechmanni Scholas Theologicas, sed Danzianas
 etiam, Hebenstreitianas & Hambergerianas, linguas orientales,
 ethicam & physicam tradentes, diligenter frequentavit. An.
 MDCCI in aulam Sereniss. Sax. Ducis, Jo. Ernesti, Saalfeldam
 evocatus, per integrum septennium Ducalium liberorum in-
 formationi operam dedit. Inde ad nos reversus, medicum
 studium, a teneris in deliciis habitum, cum theologia com-
 binaturus, præter privatisimam venerandi Academiæ nostræ
 senioris, D. D. Krausii, doctissimamque Physiologiæ explicatio-
 nem,

nem, illustris D. Georgii Wolffgangi Wedelii, Hereditarii in Svvatza, M. D. & P. P. famigeratissimi, Com. Pal. Cæs. Sacræ Cæs. & Cathol. Maj. ac Sereniss. Sax. Duc. Consiliarii, Vinariensis Aulici & Archiatri excellentissimi, spectatissimique Facultatis nostræ Senioris, privatim institutiones, mater. med. chymiam & praxin clinicam, publice autem physiolog. patholog. & semioticam solidissime docentis, assiduus auditor fuit. Nec minori diligentia publicas magnif. & excell. D.D. Joh. Adolphi Wedelii, Med. & Phil. D. & P. P. celeberrimi, itemque Medici Duc. Prov. Saxo-Vinariensis, & civit. Jenensis Physici meritissimi, chirurgicas & de mat. med. lectiones profecutus est. Medici chirurgica, anatomica & chimica docentem audivit sedulo, nec publice in cadaveribus humanis explicata viscera spectare, vegetabiliumque characteres & vires discere neglexit. Quibus rebus factum est, cum M DCCXI, d. 4 Junii, in numerum Candidatorum recipi peteret, ut, post exhibitum nostro Collegio sufficientis eruditionis specimen, ab eodem primum honoris gradum, titulumque Baccalaurei assequeretur. Ab eo tempore Praxin sectatus est, eamque nostratibus non minus, quam ex Pyrmontanis fontibus sanitatem haurire cupientibus ægris, probavit. Id quod ut porro cum majori splendore fiat, complementum honorum, titulumque Doctoris decenter impetrare decrevit, eumque in finem, pro impetranda istum capeßendi licentia, sub meo Præsidio, instante die VIII Augusti, de *Podagra* solenniter disputare decrevit. Ad hujus enim mali coercionem sibi usu probata auxilia, pro tempore adhuc inter arcana reservanda, obtigisse credit, quorum nomina, typis mandata, dissertationi inferi, facile toleravi, nec magnetica curandi rationes expungere volui, cum nihilequidem, quod religioni adversetur, continere videantur, sed per crebra tamen experimenta, a suspitione *vanitatis*, *otiosorumque ingeniorum lusibus*, se vindicare debeant. Ut autem actus disputatorius solennior evadat, magnifici Pro-Rectoris regentis, nec non magnifici Pro-Rectoris designati, Procerumque Academiae reverendorum, & Hospitum ac Fautorum nostræ Artis honoratissimorum præsentiam, ea, qua par est, veneratione ac diligentia, nomine Facultatis, expeto. PP. sub ejusdem sigillo, d. VII Augusti, M DCCXVIII.